



pobjeda-tešanj
FABRIKA PUMPI I PREČISTAČA

Direktor „Pobjeda“ d.d. Tešanj, Fabrika pumpi i prečištača, o b j a v l j u j e

JAVNI POZIV za dostavu ponuda za ishranu radnika „Pobjeda“ d.d. Tešanj

Pozivaju se zainteresovana pravna lica i samostalne ugostiteljske radnje da dostave svoje pisane ponude za ishranu radnika „Pobjeda“ d.d. Tešanj.

I

Ishranom bi bili obuhvaćeni svi radnici u sjedištu preduzeća u Bukva-Tešanj. Trenutno se u radnom odnosu nalazi 249 radnika, s tim da broj radnika može mjesečno varirati do 20 radnika zbog radnika na određeno vrijeme.

II

Sa izabranim punudećem zaključit će se ugovor o pružanju usluga ishrane radnika, na period od jedne godine, uz mogućnost njegovog produženja.

III

Kriterij za izbor najpovoljnije ponude je :

- kombinacija najpovoljnije cijene i najboljeg kvaliteta hrane

IV

Ponudu za ishranu radnika dostaviti na bazi cijene obroka po radniku/dnevno (neto + PDV). U cijenu obroka obavezno uključiti : glavno jelo + prilog.

Kao posebnu stavku u ponudi navesti meni toplih i hladnih jela u vrijednosti pola obroka, s tim da je za hladna jela potrebno navesti vrstu proizvođača (konzerva, pašteta i sl.).

V

Obrok se može posluživati isključivo kao topli obrok.

Obrok treba da sadrži normativima propisanu sadržinu mesa i drugih namirnica.

Količina hljeba ne smije biti ograničena po obroku.

Na meniju u toku dana moraju biti minimalno :

- tri različite vrste toplih jela
- dvije vrste pita (burek i sirnica)
- pica
- jela sa roštilja

Izmjena menija vršila bi se mjesečno i sezonski, odnosno na drugi način u dogovoru.

Prilog uz glavno jelo treba da sadrži minimalno : supu, salatu ili jogurt po izboru radnika.

VI

Priprema i distribucija obroka vršila bi se u Restoranu Pobjede.

Sa izabranim ponuđačem zaključit će se ugovor o zakupu Restorana Pobjede.

Površina dijela Restoran koji se izdaje pod zakup iznosi 295 m², a obuhvata :

- prostor za pripremu hrane
- prostor za distribuciju hrane i ishranu radnika

Izabrani ponuđač dužan je obezbijediti potrebnu opremu za rad restorana i restoranski inventar, pošto ne posjedujemo vlastiti osim jednim manjim dijelom.

Plaćanje utroška električne energije, vode i kanalizacije vršilo bi se prema Pobjedi, a na bazi stanja evidentiranog na kontrolnom brojilu koje je postavljeno u Restoranu.

VII

Pored cijene ishrane radnika u ponudi je potrebno navesti ponudu visine mjesečne zakupnine za zakup Restorana.

VIII

Uz ponudu je potrebno dostaviti :

- 1) dokaz o registrovanoj djelatnosti
- 2) uvjerenje o poreskoj registraciji i uvjerenje o PDV registraciji (za PDV obveznike)
- 3) meni sa cjenovnikom, u kojem je potrebno naznačiti šta je sve uključeno u cijenu obroka i navesti sve vrste toplih i hladnih jela i priloga
- 4) normative za svako pojedino toplo jelo sa menija

Nakon što se potpiše ugovor izabrani ponuđač je dužan dostaviti dokaze o prijavi radnika na obavezno osiguranje.

IX

Pobjeda zadržava pravo da naknadno izmjeni uslove iz ovog javnog poziva, kao i pravo da slobodno izvrši odabir ponuđača i da naknadno odustane od ovog javnog poziva, bez mogućnosti žalbe ponuđača koji nisu izabrani.

X

Zadnji dan roka za dostavu ponuda je : 13.06.2016.godine.

Ponude dostaviti lično ili putem pošte na adresu :

„Pobjeda“ d.d. Tešanj
Bukva bb
74260 Tešanj

Ponude dostaviti u zatvorenoj koverti sa naznakom : „Prijava na javni poziv za ishranu radnika“

Sve dodatne informacije mogu se dobiti na tel. 665-317



Direktor
Elvir Turkić, dipl.ing.teh.